



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 109. Hæreticorum querelæ coram Orangio Principe expositæ.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI
A.C. 1566.

natrix Oranium Principem, & Egmontium Comitem ad eos ablegat, qui Bredodum, ac conjuratorum præcipuos in pagum Antverpiæ vicinum, quem Dufflam appellant, ad colloquium evocant, atque inter alia Gubernatricis nomine exhortantur, ut non per hujusmodi cœtus aliquid novi molirentur, sed interea hac super re Regis judicium expectarent, nec eidem justæ indignationis ansam præberent, sed potius in obsequio perseverarent, & concionibus quantum possent, prohibitis insolentiam sectariorum reprimerent, qui seditionem, ac rebellionem brevi in apertas flammæ erupturam, palam jactitare non erubescerent.

§. CIX.

Hæreticorum querelæ coram Oranio Principe expositæ.

Thu. l. 40.

Ad hæc delegati scripto ita respondent: „Nos gratias Celsitudini suæ
„agimus, pro transmissis ad præfectos
„mandatis: verum ea, prout oportuit,
„non fuerunt servata, nam Tornaci, In-
„sulæ, Montibus in Hannonia, Atiræ,
„Atæ, & Bruxellis nulla eorum fere ha-
„beatur ratio, plurimis in carcerem ob
„Religionem conjectis: nos ecquidem
„concionibus, ac conventibus aliis im-
„pediendis omnem diligentiam adhi-
„bui-

„buimus, sed plebe in suspensionem ad-
 „ducta, nihil impetrare potuimus, eo-
 „quod populus crederet, quod respon-
 „sum a Celsitudine sua intra duos men-
 „ses promissum nondum ex Hispania ad-
 „venisset, & insuper uniuersorum Bel-
 „gii ordinum conventus, de quo spem
 „illa fecit, nulla amplius mentio habea-
 „tur: quod vero Gallos his se turbis im-
 „miscere dicat Gubernatrix, id nescimus,
 „& parati sumus, si ita sit, statim con-
 „scensis equis externæ violentiæ nos
 „opponere: verum hoc rerum statu
 „Regis subditos impetere minime con-
 „sultum videtur: quando autem causæ
 „calumniandi quærentur, quasi nos au-
 „ctores populo fuerimus ad conciones
 „conueniendi, non recusamus, nos
 „ab ea calumnia purgare, crimen-
 „que rebellionis diluere; quamquam
 „enim plerique ex nostris Protestan-
 „tium doctrinam amplectantur, nequa-
 „quam tamen hac Religione impedi-
 „mur, quo minus fidem, & obsequium
 „Regi debitum seruemus, interim nec
 „Regis clementiæ diffidimus: de cete-
 „ro cum nullius criminis nos conscien-
 „tia arguat, existimamus, nihil opus
 „esse illa, cuius Gubernatrix spem o-
 „stentat, præteritorum oblivione, nam
 „nihil admisimus, quod venia, aut con-
 „donatione egeat. „ His addebant a-

Sæcul. XVI.
 A.C 1566.

Sæcul. XVI.
A.C. 1566.

lias querelas, præcipue vero hæc proponebant; „nos jam tanquam perduellionis rei, ac convicti omnium fermonibus passim proscindimur, nostraque confortia aurei velleris equites, ac proceres alii vitant: insuper spargitur fama, Regem propediem in Flandriam venturum, qui severas de nobis pœnas sumeret: præterea narratur, quod idem Rex transitum per Gallias petierit, & Sabaudia Dux operam in id suam ei detulerit: ad hæc Clericorum ordo in belli sumptus grandem jam pecuniam suppeditavit, eapropter dissimulare nequimus, quod nostræ securitati minime caveatur, ideo privatae tutelæ causa in Germania amicos comparavimus, quorum auxilio, si opus sit, utemur: nos autem pernegamus, quod cum Gallis quidquam consilii inierimus, proinde petimus, ut ipsa Gubernatrix nostræ securitati idonee caveat: porro cautionis loco acceptare volumus, si illa Araufionensem Principem, Egmontium, & Hornanum Comites dignatione, & fide præcipuos viros consiliis adhibeat, ita, ut nihil nisi his vocatis in eo negotio decernatur. „

Hoc scriptum Brederodus ad novem capita reduxit, ipseque ad suos socios, qui eum Trudonopli præstolabantur, detulit.

§. CX.